

Universitätsbibliothek Paderborn

**R. P. || Lvdovici || De Ponte Vallis-||Oletani, È Societate ||
Jesv Theologi.|| De || Christiani hominis || Perfectione In
Qvo-||libet eius Vitæ genere.|| Tomi Qvatvor.||**

Quorum argumenta ex S. Rvth Historia præcipue desumpta

**Puente, Luis de la
Coloniæ Agrippinæ, 1625**

§. 3. Mirabilia legis nouæ.

urn:nbn:de:hbz:466:1-39652

incorruptibilis & qui illud, vt oporret, gustauerit, à corruptione liber erit, Illud erat vmbra, hæc est ipsa veritas. quod si vmbra adeò in admiratio-
nem rapit: quantò magis rapiet ipsa veritas, cuius illa erat vmbra?

§. 3. *Mirabilia legis Nostræ.*

Incarnation.

a *Luc. 1. 34.*
Lib. 4. fidei
Orthodoxa
c. 14.

b *Psal. 32. 6.*

Ignis diui-
nus.

c *Exod. 3. 3.*

SE d ommissis Testamenti Veteris vmbbris, veniamus ad stupenda, quæ sunt in lege noua. quorum initium (vt idem S. Ambrosius expedit) fuit cum quadam mutatione, supra omnia, quæ in ipsa natura esse consueuerunt prodigiosissima. Nam hoc ipsum Seruatoris nostri corpus, quod est in hoc Sacramento, fuit in utero Virginis sacratissimæ efformatum: non ullius viri opera, sed virtute Spiritus S. per quam etiam in Sanctissimo hoc Sacramento constituitur. Virgo non incredula, sed cum humilitate & prudentia Angelum interrogauit: a quomodo sit istud. quod scilicet conceptura & paritura sim filium, quoniam virum non cognoscam: & respondit ei Angelus: *Spiritus S. superueniet in te, & virtus altissimi obumbrabit tibi.* Eum in modum ait S. Ioannes Damascenus: si me interroges, quomodo panis mutetur in corpus Christi, & vinum cum aqua in eius languinem? respōdebo tibi: *Spiritus S. obumbrat, & hæc omnia facit,* supra id quod dicere, possumus aut intelligere. Si b verbo Domini cœli firmati sunt, & Spirituoris eius omnis virtus eorum. Et ipsum Diuinum verbum volens fieri homo, accepit sibi ex purissimo ipsius virginis sanguine corpus, absque ullius viri opera: cur non poterit panē & vinū in suū corpus & sanguinē cōuertere? Et quēadmodum panis, quē tu comedis, vinumq; q; bibis, vi naturali in corpus & sanguinē tuum conuertuntur, nec aliud corpus sit de nouo, extra illud, q; prius habebas. Ita panis & vinū virtute Spiritus S. in ipsa cōsecratione cōuertuntur supernaturaliter in ipsū corpus & sanguinē, q; habet ipse Saluator: quamuis modo diuerso. De quo modo si queras quomodo sit, esse ve possit, vt vnu idemq; corpus sit in celo & in terra, & vafijis eius partibus; totumq; integrū in hostia adeò parua, & in qualibet eius parte: ad id etiā respondebo. Spiritū S. hic etiā adumbrare, suāq; omnipotētiā ostēdere: eius n. verbo viuu est efficax, summeq; potens. sed, vt idē S. Joan. Damascen. ait, modus est inscrutabilis. Satis itaq; tibi sit nosse: q; ibi est, nō esse purā carnē, sed vnitam cum verbi aeterni, & Omnipotentis Diuinitate, sicut accensus carbo est cū igne cōiunctus. Quod si ignis adeò est efficax, vt naturā aliam in suam possit transformare: quid mirum quod ignis Diuinitatis cū corpore Saluatoris vnitus, panis substantiā in ipsius corporis substantiā transmutet? nō tamē mutatis externis accidētibus, sed sub eis, pro vt libuerit, se ipsū collocando. Nā Diuinus hic ignis vrit q; vult, intacto relicto, q; nō vult. quēadmodū ignis ita ī cū rubo cōiunxit, vt ī rubis quidem arderet, nō tamē cōbureretur. Ita Diuinus hic ignis, cū panis accidētibus ita cōiungitur, vt licet substantiā cōsumat, cui illa adhærebāt: illa tamē nō pereat,

sed



sed ieruetur. Hinc sit, vt fides mysterij Incarnationis fidē confirmet Eucharistia: incōparabiliter. n. maior est distantia inter Deū infinitū & hominem finitū, quā sit inter panē & carnē, cum vtraq; res sit creata. Si igitur Deus primā illam coniunctionē sua omnipotentia perfecit; & infinitus cū esset, non est deditnatus hominis naturā sibi cōiungere, propriā eius personalitatē creatā impediendo, diuina verò personalitate eius locū subeundo; vt ita virus esset Deus & homo: nō est magnū quid, quod hic Deus & homo cōiungere se voluerit, cum accidentibus panis, remouens inde substantiā, quæ ibi erat, & in eius locū pretiosissimā suā carnē supponens, vt optimo, quo posset, modo vnum quid fieret cum omnibus hominibus. Nam (vt S. Thomas perpendit) nō decebat Dei Majestatem, personaliter se vnire cum singulis, quemadmodū cum humanitate Christifese vniuit: nec eius charitas contineare se potuit, vt solus vnum homo, tanto illo bono frueretur, nisi etiam ad ceteros aliquo modo deriuaretur. Ad hoc igitur cōlestē hanc viam & cōfiliū inuenit, vt DE v s & homo lub forma cibi se collocaret: quō ad singulos illi pateret aditus: & per hoc Sacramētū singulis se cōiungeret, per quā coniunctionem, cōlestē gratiæ & charitatis suā vniōne illis communiceret. Multi (ait S. Chrysostomus) modō dicunt, vellem formam & speciem eius, vellem vestimenta ipsa, vellem calceamenta videre. sed attende, quod ipsum vides, ipsum tangis, ipsum comedis. Vestimenta eius desideras videre? ipse verò se ipsum tibi tradit, non vt videoas solū: verū etiam, vt tangas, vt in te habeas. Hic. n. Dominus vnicuiq; se vult in hoc Sacramēto coniungere: nec filios, quos genuit in cruce, nutrīcī alteri tradit nutrīcēdos: sed ipse propria sua carne eos nutrit. vt intelligas, hanc carnem, quam à te accepit tibi tradere, vt ea nutriaris. Quis pastor vñquam membris suis oves suas nutrit; multæ matres, post partum alijs nutricibus infantes dederunt: vt sui pectoris lacte eos nutritrent. quod ipse facere noluit: sed proprio corpore nos alit & sibi coniungit, atque conglutinat. Tanta igitur charitate atq; honore affecti, non torpeamus. Nō videtis quanta infantes animi alacritate mamilas arripiunt: qua pressione papillis infigunt labia? Non igitur minore cupiditate nos quoq; ad hanc mensam, & ad huius calicis spiritualē accedamus papillam. imò verò maiori desiderio, quasi lactentes pueri gratiam spiritus fugamus. Vnus sit nobis dolor, vna mœstitia. si hoc alimento spirituali priuemur. Hæc in summa S. Chrysostomus, qui os aureum appellari promeruit: eō quōd diuino huic pectori illud coniunxit: ex quo eloquiam haulit ad laudes eius, & magnalia prædicanda.

*ALTIUS tamen adhuc de eisdē magnalib⁹ sentiebat supremi huius Regis
sponsa, cū diceret d Osculetur me osculo oris sui: quia meliora sunt ubera tua vino,
fragrantia unguentis optimis. Quamuis enim his verbis sponsa præcipue peta-*

Cant. c. I.

Opus 38 c. 5

*Amor sapi-
ens.*

*Hom. 60. ad
popul. § 83.
in Matth.*

Diuini

Diuini verbi Incarnationem, qua humanae naturae sece coiunxit, atque noque
Patronos reconciliauit; & amoris doctrinam, quæ præstantior est, quam ti-
moris, gratiasque ac dona, quæ illum comitantur, in mundum inuexit:
Sed simul petit etiam Sacratissimum Eucharistiae mysterium, qua Diuinum
verbum incarnatum ori nostro coniungitur, per quod intrat ad interiora
nostra: duoque vbera per utramque speciem Sacramentalem (in quibus
corpus eius, & sanguis continetur) ita nobis porrigit, ut eius gratiae, chari-
tatis, amabilis doctrinæ, & reliquarum gratiarum, a donorum, quibus
plena sunt, lac sugere valeamus. Et quamvis non semper nobis detur ad hæc
vbera accedere, ut communicemus, eiusque lac sugamus: semper tamen li-
cet odore, ex eis afflante, interius confortari. Nam ubique illa sim, ta-
lem diuinitatis odorem spirant, ut sola præsentia sua aspicientes confortet,
ac corroboret. Id enim insinuavit Saluator noster, cum dixit: *e tabernaculo que
fuerit corpus, illuc congregabuntur aquila.* Nam, ut S. Hieronymus ait
quemadmodum aquilæ valde procul percipiunt odorem cadaveris, quo
accepto, ad illud se conferunt, ut carnis eius alantur: Ita animæ, quæ in-
star sunt aquilarum, odorem sentientes corporis Servatoris N. in cruce pro
nobis morientis: quod in hoc Diuino Sacramento tanquam mortuum no-
bis proponitur: ad illud perniciissime volant, cum ingenti desiderio, vitam
& nutritionem suam ex pretiosissima illa carne & sanguine sumendi,

§ 4 Triplex Sacra Eucharistia Finis.

TRES potissimum fines licet ex his coniicere, ob quos voluerit Christus D. N. nobiscum in sanctissimo hoc Sacramento permanere. **P**rimus est, ut spirituale esset animarum nostrarum nutrimentum, lac nobis ve-
berum suorum offerendo, cum ipsum Sacramentum suscipitur. **S**econdus est
ut esset sacrificium suauissimum, & immensa suavitatis oblatio in sua pa-
sionis mortisque memoriam: quemadmodum in ipsa Missa offertur.
que genus quoddam est vocationis & invitationis ad sacram Communio-
rem: Nam odor confertans donorum & auxiliarum cœlestium, quæ Deus
piè assistentibus huic sacrificio largitur, eos disponit ad Sacram Communi-
onem, ut eiusdem Sacrameti participes fiant. Quamvis autem ad utrumque
hunc finem consequendum satis fuisset Christum D. N. ad breue tantum
tempus, dum scilicet consecratio, Sacrificium, & S. Communio peraguntur,
nobiscum manere: at hoc non satis illi fuit, ad infinitam suam charita-
tem, & amorem erga nos ostendendum: sed voluit diutius, & quasi habita-
tor in ipsis templis habitare, quænadiu Sacramentales species perdurarent:
ut ad eius præsentiam pro remedio nostrorum malorum, & laborum con-
solatione accederemus; & corda nostra, orationesque in eius conspectu ef-
funderemus: Et hic **T**ertius est finis institutionis huins Sacramenti. Quam-
uis

Os & vbe-
ss, Sa-
cramenti.

c Matt. 24.
28.
Communio
spiritualis.

1.
Cibus ani-
mae.

2.
Sacrificium.

3.
Præsensia.